

歌歌曰乘繡舟兮爲水嬉臨芳洲兮按靈芝樂以忘戚
遊以卒時窮夜爲日畢歲爲期此蓋宴居之活麗子豈
能從我而處之乎公子曰余病未能也大夫曰若乃白
商素節月旣授衣天凝地閉風厲霜飛柔條少勁密葉
晨稀將因氣以效殺臨金郊而講師爾乃列輕武整戎
剛建雲髦啟雄芒駕紅陽之飛燕驂唐公之驕驍屯羽
隊於外林縱飛翼於中荒爾乃張脩旃布飛羅凌黃岑
挂青纓畫長弩以爲限帶流谿以爲關旣乃內無疏蹊
外無漏跡叩鉦散校舉麾贊獲設金機馳鳴鏑翦剛豪
落勁羽連騎競驚駢武齊轍翁忽揮霍雲迴風烈聲動
響飛形移影發舉戈林聳揮鋒電滅仰傾雲巢俯殫地
穴乃有圓文之研班題之縱鼓鬣風生怒目電睨口敲
霜刃足撥飛鋒甌林蹙石扣坂幽叢於是飛黃奮銳賁
育逞伎賊封緡攢馮豕拉魃魃挫解狔鈎爪摧踞牙擺
瀾漫狼籍傾榛倒壑隕齒挂山僵踣掩澤藪爲毛林隰
爲丹薄於是徹圍頓網卷旆收高虞人數獸林衡計鮮
論最犒勤息馬韜弦肴馴連驢酒駕方軒干鍾電礪萬
燧星繁陵阜沾流膏谿谷厭芳烟歡極樂殫迴節而旋

武邑縣志

卷八

人物

六

此亦收遊之壯觀子豈能從我而爲之乎公子曰余病
未能也大夫曰楚之陽劒歐冶所營邪谿之鉞赤山之
精銷踰羊頭鏃銀成乃鍊乃鏢萬辟千灌豐隆奮椎
飛廉扇炭神器化成陽文陰漫旣乃流綺星連浮采艷
發光如散電質如耀雪霜鏐水凝冰刃露潔形冠豪曹
名珍巨闕指鄭則三軍白首摩晉則千里流血豈徒水
截蛟龍陸灑奔駟斷浮翮以爲工絕重甲而稱利云爾
而已哉若其靈寶則舒辟無方奇鋒異模形震薛燭光
駭風胡價兼三卿聲貴二都或馳名傾秦或夜飛去吳
是以功冠萬載威曜無窮揮之者無前擁之者身雄可
以服從九國橫制八戎爪牙景附函夏承風此蓋希世
之神兵子豈能從我而服之乎公子曰余病未能也大
夫曰天驥之駿逸能超越稟氣靈川受精皎月眸矚黑
照元採紺發沫如揮紅汗如振血秦青不能識其家尺
方堙不能覩其若滅爾乃巾雲軒踐朝霧赴春衢整秋
御虬螭騰騰躡超龍翥望山載奔視林載赴氣盛怒發
星飛電駭志陵九州勢越四海影不及形塵不暇起浮
箭未移再踐千里爾乃踰天根越地隔適汗漫之所不